

BAB 4

PENJODOH BILANGAN BAHASA MELAYU

Dalam bab ini, penyelidik akan cuba menghuraikan penjodoh bilangan bahasa Melayu. Penyelidik telah mengumpul data-data dan maklumat daripada beberapa buku rujukan. Hasil daripada dapatan itu akan dibincangkan dalam bab ini.

4.1 Penjodoh Bilangan Bahasa Melayu

Dalam Kamus Dewan (1994:499), perkataan ‘penjodoh’ membawa erti pemadan, pasangan atau lawan sesuatu. Menurut Zainudin Dirin (2001), penjodoh bilangan merupakan perkataan yang digunakan mendahului dan berpasangan dengan sesuatu kata nama untuk menjelaskan jenis dan bilangan kata nama itu. Contohnya: ekor untuk serangga dan haiwan, helai untuk kain dan kertas, biji untuk buah-buahan dan lain-lain lagi. Penjodoh bilangan tidak perlu digunakan untuk membilang kata nama abstrak seperti ‘cara’, ‘pendapat’, ‘abad’, ‘sifat’ dan sebagainya.

Menurut Zainudin Dirin lagi, apabila penjodoh bilangan digunakan dalam sesuatu frasa atau ayat, dapat menghasilkan penggunaan bahasa yang lebih indah dan idiomatik. Contohnya: ‘seulas nangka’ dapat memberikan makna yang lebih tepat dan jelas daripada ‘sebijji nangka’ apabila hendak menunjukkan maksud ‘isi’ nangka itu sendiri.

- D. J. Prentice dalam artikelnya *Malay (Indonesia and Malaysia)*, memberi definisi penjodoh bilangan (*classifier*) seperti berikut:

"The classifier is a morpheme-type found in many Asian languages (including non-Austronesian languages such as Vietnamese and Chinese). It occurs between a numeral and a noun and gives information about the form, size or character of the latter. Classical Malay possessed dozens of classifiers, such as butir (lit. 'grain') for small round objects and batang ('stick') for long, solid cylindrical objects."

(D. J. Prentice, 1991:929)

Menurut D. J. Prentice, penjodoh bilangan mengambil tempat antara kata bilangan dan kata nama. Penjodoh bilangan memberi maklumat tentang bentuk, saiz atau sifat sesuatu kata nama. Contohnya 'butir' digunakan untuk benda yang kecil dan bulat, 'batang' pula digunakan untuk benda yang panjang, padu dan berbentuk selinder.

Za'ba (Zainal Abidin Bin Ahmad) dalam bukunya *Pelita Bahasa Melayu Penggal 1* menamakan penjodoh bilangan sebagai 'penjenis' atau 'pemadan bilangan'. Kata nama yang dirangkaikan dengan kata bilangan tertentu perlu mengambil penjodoh bilangan. Menurut beliau:

"Berhubung dengan sifat-nama membilang ini ada terpakai beberapa perkataan khas di-namakan "Pemadan Bilangan" iaitu semua-nya nama di-kawankan dengan nama masing-masing benda yang di-bilang itu ikut layak-nya:

1. *Jika membilang manusia di-pakai perkataan "orang", seperti 'dua orang anak; sa-ratus orang kuli.'*
2. *Jika membilang binatang di-pakai 'ekor', seperti 'sa-ekor burong, tiga ekor lembu, beberapa ekor katak.'*
3. *Jika membilang benda yang bulat atau berisi di-kata "buah" atau "biji" seperti 'sa-buah rumah, tiga butir telor, sa-puloh biji atau butir atau buah kelapa.'*
4. *Jika membilang benda yang panjang dan keras di-kata "batang", seperti 'sa-batang jarum, dua batang lemang sa-puloh batang kalam.'*

5. Jika membilang benda yang panjang lembut atau lebar lembut, di-kata "helai", seperti 'sa-helai rambut, lima helai kain.'"
(Za'ba, 1965:161-162)

Dari segi tatabahasa, perangkaian kata nama dengan kata bilangan tanpa penggunaan penjodoh bilangan adalah salah:

"1. Salah-lah pada ka' edah Melayu jika di-kata 'satu kerbau, dua telor, tiga chinchin, tujoh bunga dan se-bagainya, kerana tiada memakai Pemandan Bilangan."

(Za'ba, 1965:162)

Penjodoh bilangan dalam bahasa Melayu boleh dibahagikan kepada 5 kategori seperti berikut:

- i) Penjodoh nama tunggal
- ii) Penjodoh bilangan kumpulan
- iii) Penjodoh bilangan partitif
- iv) Penjodoh bilangan untuk bekas
- v) Kata Ukuran Standard

4.1.1 Penjodoh Nama Tunggal

Penjodoh bilangan dalam bahasa Melayu boleh dirangkai dengan kata nama tunggal. Penjodoh nama tunggal menunjukkan sesuatu orang, benda, barang atau institusi dalam bilangan tunggal. Perangkaian kata bilangan, penjodoh nama dan kata nama adalah seperti berikut:

[kata bilangan + penjodoh nama tunggal + kata nama]

Contohnya:

dua biji kelapa

tiga helai kertas

Jadual 4.1: Penjodoh Nama Tunggal dalam Bahasa Melayu

Bil	Penjodoh bilangan	Penggunaan dan contoh-contoh
1	batang	i) digunakan untuk benda yang lurus, panjang dan keras. - contoh: sebatang kayu, sebatang pembaris ii) digunakan untuk jenis perhubungan atau pengangkutan. - contoh: sebatang jalan raya, sebatang sungai iii) digunakan untuk aiskrim. - contoh: sebatang aiskrim
2	bentuk	- digunakan untuk benda kecil yang berbentuk lengkung. - contoh: sebentuk cincin, sebentuk mata kail
3	bidang	- digunakan untuk benda yang luas, lebar dan rata seperti tanah , layar, sawah dan lain-lain. - contoh: sebidang tanah
4	biji	i) digunakan untuk benda kecil yang biasanya berbentuk bulat. - contoh: sebiji cawan, sebiji piring ii) digunakan untuk buah-buahan yang berbentuk bulat atau bujur. - contoh: sebiji rambutan, sebiji tembikai
5	bilah	- digunakan untuk senjata atau benda yang tajam dan runcing. -contoh: sebilah pisau, sebilah keris
6	buah	i) digunakan untuk rumah dan pelbagai jenis bangunan dan institusi - contoh : sebuah kolej, sebuah sekolah

		<p>ii) digunakan untuk semua jenis kenderaan.</p> <ul style="list-style-type: none"> - contoh: sebuah kereta, sebuah basikal <p>iii) digunakan untuk semua jenis mesin.</p> <ul style="list-style-type: none"> - contoh: sebuah mesin taip, sebuah mesin membasuh <p>iv) digunakan untuk benda-benda yang abstrak.</p> <ul style="list-style-type: none"> - contoh: sebuah cerita, sebuah mimpi
7	buku	<ul style="list-style-type: none"> - digunakan untuk benda yang berbuku dan berbongkah kecil. - contoh : sebuku roti, sebuku sabun
8	butir	<ul style="list-style-type: none"> - digunakan untuk benda yang kecil dan bulat. -contoh: sebutir manik, sebutir beras
9	das	<ul style="list-style-type: none"> - digunakan untuk bunyi letupan dan tembakan. - contoh: sedas tembakan (meriam, pistol, senapang)
10	ekor	<ul style="list-style-type: none"> - digunakan untuk binatang, ikan dan serangga. - contoh: seekor kucing, seekor ikan
11	gulung	<ul style="list-style-type: none"> - digunakan untuk benda yang panjang dan bergulung. - contoh: segulung tikar, segulung filem
12	helai	<ul style="list-style-type: none"> - digunakan untuk benda yang nipis, lembut, lebar dan berkeping-keping. - contoh: sehelai tuala, sehelai baju
13	hidang	<ul style="list-style-type: none"> - digunakan untuk makanan yang siap disajikan. - contoh: sehidang lauk, sehidang nasi
14	jantung	<ul style="list-style-type: none"> - digunakan untuk ketupat, jagung dan benda-benda lain yang bentuknya seperti jantung, - contoh: sejantung jagung
15	kajang	<ul style="list-style-type: none"> - digunakan untuk benda yang berbentuk lebar. - contoh: sekajang layar, sekajang atap
16	kaki	<ul style="list-style-type: none"> - digunakan untuk benda yang bertangkai. - contoh: sekaki payung, sekaki cendawan
17	kapur	<ul style="list-style-type: none"> - digunakan untuk sirih yang telah siap dikapur - contoh: sekapur sirih

18	keping	<ul style="list-style-type: none"> - digunakan untuk benda yang rata, nipis dan lebar. - contoh: sekeping biskut, sekeping gambar
19	ketul	<ul style="list-style-type: none"> - digunakan untuk benda yang berketul-ketul dan padu. - contoh: seketul batu, seketul ais
20	kuntum	<ul style="list-style-type: none"> - digunakan untuk bunga. - contoh: sekuntum bunga ros, sekuntum bunga raya
21	labuh	<ul style="list-style-type: none"> - digunakan untuk jala ikan. - contoh: selabuh jala
22	laras	<ul style="list-style-type: none"> - digunakan untuk senjata api. - contoh: selaras pistol, selaras senapang
23	lembar	<ul style="list-style-type: none"> - digunakan untuk benda yang panjang dan halus. - contoh: selembar benang, selembar dawai
24	lengkap	<ul style="list-style-type: none"> - digunakan untuk pakaian yang menjadi kesatuan yang lengkap. - contoh: selengkap pakaian tentera, selengkap uniform
25	mata	<ul style="list-style-type: none"> - digunakan untuk jenis-jenis masakan atau hidangan. - contoh: semata gulai, semata lauk
26	naskhah	<ul style="list-style-type: none"> - digunakan untuk bahan bacaan. - contoh: senaskhah majalah, senaskhah surat khabar
27	orang	<ul style="list-style-type: none"> - digunakan untuk manusia. - contoh: seorang kakak, seorang guru, seorang pencuri
28	patah	<ul style="list-style-type: none"> - digunakan untuk perkataan atau percakapan. - contoh: sepatah perkataan, sepatah percakapan
29	peranggu	<ul style="list-style-type: none"> - digunakan untuk pakaian yang menjadi kesatuan. - contoh: seperanggu uniform, seperanggu baju pengantin
30	persalinan	<ul style="list-style-type: none"> - digunakan untuk pakaian yang lengkap. - contoh: sepersalinan pakaian, sepersalinan uniform
31	pucuk	<ul style="list-style-type: none"> i) digunakan untuk senjata api. - contoh: sepucuk pistol, sepucuk senapang ii) digunakan untuk benda-benda yang bentuknya runcing. - contohnya: sepucuk surat, sepucuk jarum

32	rawan	i) digunakan untuk benda-benda yang labuh dan selengkap. - contoh: serawan jala, serawan jaring ii) digunakan untuk kancing baju. - contoh: serawan kancing baju
33	tangkai	- digunakan untuk benda yang bertangkai. - contoh: setangkai bunga, setangkai daun
34	tongkol	- digunakan untuk isi tumbuh-tumbuhan yang buahnya bertongkol. - contoh: setongkol jagung
35	ulas	- digunakan untuk isi buah-buahan. - contoh: seulas durian, seulas nangka
36	urat	- digunakan untuk benda yang panjang dan halus. - contoh: seurat benang, seurat dawai
37	utas	- digunakan untuk benda yang panjang dan halus. - contoh: seutas dawai, seutas rantai

4.1.2 Penjodoh Bilangan Kumpulan

Penjodoh bilangan kumpulan dirangkai dengan kata nama tunggal. Penjodoh bilangan kumpulan membilang sesuatu benda atau manusia dalam kuantiti yang lebih daripada satu atau banyak. Perangkaian kata bilangan, penjodoh bilangan dan kata nama adalah seperti berikut:

[kata bilangan + penjodoh bilangan kumpulan + kata nama]

Contohnya:

empat pasang kasut

lima gugus anggur

Jadual 4.2 : Penjodoh Bilangan Kumpulan dalam Bahasa Melayu

Bil	Penjodoh bilangan	Penggunaan dan contoh-contoh
1	angkatan	<ul style="list-style-type: none"> - digunakan untuk kumpulan atau kelompok benda dan manusia - contoh: seangkatan tentera, seangkatan kapal perang
2	baris	<ul style="list-style-type: none"> - digunakan untuk benda yang berderet atau manusia yang beratur. - contoh: sebaris ayat, sebaris kenderaan
3	berkas	<ul style="list-style-type: none"> - digunakan untuk benda yang telah diikat dalam satu ikatan. - contoh: seberkas buluh, seberkas kayu
4	cucuk	<ul style="list-style-type: none"> - digunakan untuk benda yang dicucuk dengan lidi atau buluh kecil. - contoh: secucuk ayam percik, secucuk sate
5	deret	<ul style="list-style-type: none"> - digunakan untuk kenderaan dan bangunan yang berderet. - contoh: sederet bangunan, sederet kenderaan
6	dozen	<ul style="list-style-type: none"> - digunakan untuk pensil, pen, telur dan benda-benda lain yang berjumlah dua belas. - sedozen pensil, sedozen telur
7	gelung	<ul style="list-style-type: none"> - digunakan untuk benda yang panjang dan bergelung. - contoh: segelung dawai, segelung rotan
8	gemal	<ul style="list-style-type: none"> - digunakan untuk benda yang dikumpulkan dan diikat - contoh: segemal lalang, segemal padi
9	gerombolan	<ul style="list-style-type: none"> - digunakan untuk kumpulan orang. - contoh: segerombolan penganas, segerombolan perompak
10	golongan	<ul style="list-style-type: none"> - digunakan untuk menunjukkan kumpulan manusia dalam satu golongan. - contoh: segolongan askar, segolongan guru
11	gugus	<ul style="list-style-type: none"> - digunakan untuk kumpulan benda yang berkelompok dan buah-buahan dalam setangkai. - contoh: segugus anggur, segugus rambutan

12	ikat	<ul style="list-style-type: none"> - digunakan untuk benda yang telah diikat. - contoh: seikat ranting, seikat buluh
13	jambak	<ul style="list-style-type: none"> - digunakan untuk benda yang bertangkai-tangkai. - contoh: sejambak bunga
14	jambangan	<ul style="list-style-type: none"> - digunakan untuk kumpulan bunga yang digubah. - contoh: sejaungan bunga
15	kalung	<ul style="list-style-type: none"> - digunakan untuk benda yang diikat secara bersambung dalam bentuk bulatan. - contoh: sekalung manik, sekalung bunga
16	kandang	<ul style="list-style-type: none"> - digunakan untuk haiwan-haiwan di dalam kandang. - contoh: sekandang kambing, sekandang lembu
17	karangan	<ul style="list-style-type: none"> - digunakan untuk bunga yang siap digubah. - contoh: sekarangan bunga-bungaan
18	kaum	<ul style="list-style-type: none"> - digunakan untuk golongan orang yang sekerja, setingkat, sefahaman seperti bangsawan, belia, buruh dan sebagainya. - sekaum petani
19	kawan	<ul style="list-style-type: none"> - digunakan untuk kumpulan haiwan. - contoh: sekawan burung, sekawan gajah
20	kelas	<ul style="list-style-type: none"> - digunakan untuk menunjukkan kumpulan manusia dalam satu kelas. - contoh: sekelas murid, sekelas mahasiswa
21	kelompok	<ul style="list-style-type: none"> - digunakan untuk kumpulan manusia, haiwan dan benda. - contoh: sekelompok awan, sekelompok bintang
22	ketumbukan	<ul style="list-style-type: none"> - digunakan untuk kumpulan manusia. - contoh: seketumbukan bomba, seketumbukan tentera
23	kumpulan	<ul style="list-style-type: none"> - digunakan untuk kumpulan manusia. - contoh: sekumpulan pelajar, sekumpulan pengakap
24	lingkar	<ul style="list-style-type: none"> - digunakan untuk benda yang bergelung. - contoh: selingkar rotan, selingkar tali
25	longgok	<ul style="list-style-type: none"> - digunakan untuk benda yang dilonggokkan. - contoh: selonggok pasir, selonggok sampah

26	mayang	<ul style="list-style-type: none"> - digunakan untuk buah-buanhan yang bertangkai seperti pinang, kelapa dan pisang. - semayang pinang
27	papan	<ul style="list-style-type: none"> - digunakan untuk benda yang berkeping-keping. - contoh: seapan mercun, seapan gambir
28	pasang	<ul style="list-style-type: none"> - digunakan untuk benda atau manusia yang berpasangan. - contoh: sepasang gelang, sepasang kasut
29	pasukan	<ul style="list-style-type: none"> -digunakan untuk kumpulan manusia yang berpakaian seragam. - contoh: sepasukan pemain, sepasukan ahli bomba
30	rangkai	<ul style="list-style-type: none"> - digunakan untuk susunan beberapa benda yang berangkai. - contoh: serangkai doa, serangkai lagu
31	rombongan	<ul style="list-style-type: none"> - digunakan untuk menunjukkan kumpulan manusia dalam satu rombongan. - contoh: serombongan pelakon, serombongan menteri
32	rumpun	<ul style="list-style-type: none"> - digunakan untuk tumbuh-tumbuhan yang tumbuh berkumpul - contoh: serumpun serai, serumpun padi
33	sikat	<ul style="list-style-type: none"> - digunakan untuk buah pisang yang masih melekat pada sikatnya. - contoh: sesikat pisang
34	sisir	<ul style="list-style-type: none"> - digunakan untuk buah pisang yang masih melekat pada sikatnya. - contoh: sesisir pisang
35	susun(an)	<ul style="list-style-type: none"> - digunakan untuk benda yang bersusun. - contoh: sesusun(an) kerusi, sesusun(an) kad
36	tandan	<ul style="list-style-type: none"> - digunakan untuk buah-buahan yang bertandan. -contoh: setandan kelapa sawit, setandan pinang
37	timbun	<ul style="list-style-type: none"> - digunakan untuk benda yang bertimbun atau berlonggok - contoh: setimbun tanah, setimbun beras
38	untai	<ul style="list-style-type: none"> - digunakan untuk benda yang berangkaian atau beruntaian. - contoh: seuntai mercun, seuntai pantun

4.1.3 Penjodoh Bilangan Partitif

Penjodoh bilangan partitif boleh dirangkai dengan kata nama. Penjodoh bilangan ini menunjukkan sebahagian daripada sesuatu benda atau tempat. Perangkaian kata bilangan, penjodoh bilangan dan kata nama adalah seperti berikut:

[kata bilangan + penjodoh bilangan partitif + kata nama]

Contohnya:

dua genggam beras

tiga kerat tebu

Jadual 4.3: Penjodoh Bilangan Partitif dalam Bahasa Melayu

Bil	Penjodoh bilangan	Penggunaan dan contoh-contoh
1	belah	<ul style="list-style-type: none"> - digunakan untuk menunjukkan setengah atau seperdua daripada sesuatu benda atau anggota badan. - contoh: sebelah pinang, sebelah kaki
2	carik	<ul style="list-style-type: none"> - digunakan untuk benda yang dikoyak kecil-kecil memanjang - contoh: secarik kain, secarik kertas
3	cebis	<ul style="list-style-type: none"> - digunakan untuk benda yang sudah dipotong atau dikoyakkan kecil-kecil. - contoh: secebis kain, secebis kertas
4	cekak	<ul style="list-style-type: none"> - digunakan untuk benda yang dipegang secara mencekak. - contoh: secekak serai, secekak daun sirih
5	cubit	<ul style="list-style-type: none"> - digunakan untuk benda yang diambil sedikit-sedikit. - contoh: secubit gula, secubit garam
6	genggam	<ul style="list-style-type: none"> - digunakan untuk benda yang digenggam. - contoh: segenggam beras, segenggam pasir
7	gumpal	<ul style="list-style-type: none"> - digunakan untuk benda yang bergumpal. - contoh: segumpal asap, segumpal kapas

8	hiris	- digunakan untuk benda yang sudah dipotong tipis-tipis. - contoh: sehiris bawang, sehiris cili
9	jemput	- digunakan untuk benda yang dapat diambil dengan hujung jari. - contoh: sejemput gula, sejemput kunyit
10	jengkal	- digunakan untuk jarak atau lebar sesuatu benda atau tempat menggunakan kedua-dua hujung jari tangan. - contoh: sejaengkal benang, sejaengkal tali
11	jilid	- digunakan untuk menunjukkan penggal kepada buku. - sejilid buku sejarah
12	kepal	- digunakan untuk benda yang dikepal. - contoh: sekepal nasi, sekepal pulut
13	kepul	- digunakan untuk benda yang berkepul-kepul. - contoh: sekepul asap, sekepul awan
14	kerat	- digunakan untuk benda yang sudah dikerat - contoh: sekerat dawai, sekerat tebu
15	pangsa	- digunakan untuk buah-buahan yang mempunyai pangsa. - contoh: sepangsa durian
16	penggal	- digunakan untuk kayu, buluh, tebu dan lain-lain yang telah dipenggal. - contoh: sepenggal tebu
17	potong	- digunakan untuk benda yang sudah dipotong. - contoh: sepotong kuih, sepotong kek
18	puntung	-digunakan untuk benda yang pendek yang berlebih daripada dibakar. - contoh: sepuntung kayu, sepuntung rokok
19	rangkap	- digunakan untuk tulisan berangkap. - contoh: serangkap pantun, serangkap puisi
20	ricih	-digunakan untuk benda yang sudah dihiris atau dipotong nipis. - contoh: sericih daging, sericih kuih

21	ruas	<ul style="list-style-type: none"> - digunakan untuk benda yang ruas-ruas. - contoh: seruas rotan, seruas tebu
22	suap	<ul style="list-style-type: none"> - digunakan untuk makanan yang disuapkan ke dalam mulut. - contoh: sesuap nasi
23	teguk	<ul style="list-style-type: none"> - digunakan untuk minuman yang ditelan sekali. - contoh: seteguk air, seteguk cecair
24	titik	<ul style="list-style-type: none"> - digunakan untuk cecair yang menitik. - contoh: setitik air, setitik cat
25	tingkat	<ul style="list-style-type: none"> - digunakan untuk rumah atau bangunan bertingkat. - contoh: setingkat bangunan, setingkat kedai
26	tompok	<ul style="list-style-type: none"> - I) digunakan untuk benda-benda yang dikumpul dalam timbunan yang kecil. - contoh: setompok beras, setompok tanah - ii) digunakan untuk benda atau cecair yang bertompok - contoh: setompok dakwat, setompok darah

4.1.4 Penjodoh Bilangan untuk Bekas

Penjodoh bilangan untuk bekas sebenarnya ialah kata nama untuk sesuatu bekas. Penjodoh bilangan ini boleh dirangkai dengan kata nama. Penjodoh bilangan ini membilang kuantiti benda atau binatang dalam sesuatu bekas. Perangkaian kata bilangan, penjodoh bilangan dan kata nama adalah seperti berikut:

[kata bilangan + penjodoh bilangan untuk bekas + kata nama]

Contohnya:

dua botol kicap

lima mangkuk bubur

Jadual 4.4: Penjodoh Bilangan untuk Bekas dalam Bahasa Melayu

Bil	Penjodoh bilangan	Penggunaan dan contoh-contoh
1	almari	<ul style="list-style-type: none"> - digunakan untuk barang yang diletakkan dalam almari. - contoh: sealmari pakaian, sealmari buku
2	balang	<ul style="list-style-type: none"> - digunakan untuk benda yang diisikan dalam balang. - contoh: sebalang gula-gula, sebalang gul
3	bakul	<ul style="list-style-type: none"> - digunakan untuk benda yang diisikan dalam bakul. - contoh: sebakul kuih-muih, sebakul makanan
4	bekas	<ul style="list-style-type: none"> - digunakan untuk benda yang diletakkan dalam bekas. - contoh: sebekas sirih, sebekas makanan
5	botol	<ul style="list-style-type: none"> - digunakan untuk bahan cecair yang diisikan ke dalam botol. - contoh: sebotol air, sebotol kicap
6	cawan	<ul style="list-style-type: none"> - digunakan untuk cecair yang diisikan dalam cawan. - contoh: secawan kopi, secawan air panas
7	cepu	<ul style="list-style-type: none"> - digunakan untuk barang yang diletakkan dalam cepu. - contoh: secepu barang kemas, secepu gelang
8	cerek	<ul style="list-style-type: none"> - digunakan untuk air yang diisikan dalam cerek. - contoh: secerek air, secerek kopi
9	gelas	<ul style="list-style-type: none"> - digunakan untuk cecair yang diisikan ke dalam gelas. - contoh: segelas air, segelas kopi
10	kotak	<ul style="list-style-type: none"> - digunakan untuk benda yang disimpan dalam kotak. - contoh: sekotak pensel, sekotak ubat
11	mangkuk	<ul style="list-style-type: none"> - digunakan untuk benda di dalam mangkuk. - contoh: semangkuk bubur, semangkuk kari
12	pasu	<ul style="list-style-type: none"> - digunakan untuk bunga yang diletakkan dalam pasu. - contoh: sepasu bunga
13	periuk	<ul style="list-style-type: none"> - digunakan untuk makanan yang diisikan dalam periuk. - contoh: seperiuk nasi, seperiuk bubur
14	peti	<ul style="list-style-type: none"> - digunakan untuk benda yang diletakkan dalam peti. - contoh: sepeti wang, sepeti batu permata

15	pinggan	<ul style="list-style-type: none"> - digunakan untuk makanan atau benda yang diletak di dalam pinggan. - contoh: sepinggan nasi, sepinggan mi
16	piring	<ul style="list-style-type: none"> - digunakan untuk benda yang diletakkan dalam piring. - contoh: sepiring kuih, sepiring biskut
17	raga	<ul style="list-style-type: none"> - digunakan untuk bahan yang diletakkan dalam bakul. - contoh: seraga buah-buahan, seraga kuih-muih
18	senduk	<ul style="list-style-type: none"> -digunakan untuk makanan atau cecair yang diambil dengan menggunakan senduk. - contoh: sesenduk kuah, sesenduk sup
19	teko	<ul style="list-style-type: none"> - digunakan untuk cecair dalam teko. - contoh: seteko air, seteko kopi
20	tempayan	<ul style="list-style-type: none"> - digunakan untuk cecair atau benda yang diisi dalam tempayan. - contoh: setempayan air
21	tin	<ul style="list-style-type: none"> - digunakan untuk benda yang disimpan dalam tin. - contoh: setin susu, setin serbuk koko

4.1.5 Kata Ukuran Standard dalam Bahasa Melayu

Terdapat sejenis penjodoh bilangan lagi yang dikenali sebagai kata ukuran standard (Soh Bee Kwee, 1996: 124). Kata ukuran standard ialah kata-kata yang dijadikan dasar untuk mengukur atau menilai sesuatu seperti panjang, berat, isipadu, keluasan dan sebagainya. Jadual 4.5 di bawah menunjukkan kata-kata ukuran standard dalam bahasa Melayu. Semua kata ukuran standard yang diberi di bawah boleh didahului dengan kata bilangan.

Jadual 4.5: Kata Ukuran Standard dalam Bahasa Melayu

i) Kata Ukuran Standard untuk Panjang atau Jarak

- 1) batu
- 2) ela
- 3) inci
- 4) kaki
- 5) kilometer
- 6) meter
- 7) milimeter
- 8) sentimeter

ii) Kata Ukuran Standard untuk Berat

- 1) auns
- 2) gram
- 3) kati
- 4) kilogram
- 5) koyan
- 6) mayam
- 7) miligram
- 8) paun
- 9) pikul
- 10) tahir
- 11) tan

iii) Kata Ukuran Standard untuk Isipadu

- 1) arai
- 2) cupak
- 3) gantang
- 4) gelen
- 5) kulak
- 6) liter
- 7) pain
- 8) sukat

iv) Kata Ukuran untuk Keluasan

- 1) ekar
- 2) hektar

v) Kata Ukuran untuk Masa

- 1) jam
- 2) minit
- 3) saat

vi) Kata Ukuran untuk Wang

- 1) ringgit
- 2) sen

Kata-kata ukuran standard dalam Jadual 4.5 boleh berfungsi sebagai kata nama penuh. Contoh-contoh (i a) – (iv a) di bawah menunjukkan kata ukuran yang berfungsi sebagai kata nama penuh dan contoh-contoh (i b) – (iv b) pula menunjukkan kata bilangan yang dirangkaikan dengan kata ukuran standard untuk menerangkan kata nama di belakang.

- i) (a) dua meter
 - (b) dua meter kain
- ii) (a) tiga kilogram
 - (b) tiga kilogram udang
- iii) (a) empat liter
 - (b) empat liter air
- iv) (a) lima hektar
 - (b) lima hektar tanah

Kata-kata ukuran standard dalam Jadual 4.5 boleh wujud dalam bentuk KB1 + KUS1 + KB2 + KUS2 di mana KUS2 ialah unit ukuran yang lebih kecil daripada KUS1 seperti contoh-contoh di bawah:

v)	KB1	+	KUS1	+	KB2	+	KUS2
(a)	lima		kaki		tiga		inci
(b)	dua		kati		lima		tahil
(c)	tiga		jam		sepuluh		minit
(d)	enam		ringgit		sepuluh		sen

4.2 Kata Nama yang Tidak Mengambil Penjodoh Bilangan

Menurut Za'ba, terdapat kata nama yang tidak perlu dirangkaikan dengan penjodoh bilangan:

"2. Dalam pada itu tidak-lah pula semua Nama mesti memakai Penjenis apabila menyebutkan bilangan-nya. Mithal-nya nama-nama masa seperti hari, bulan, tahun, di-kata 'dua hari, sa-puloh bulan, lema belas tahun' sahaja; jika di-kata 'sa-puloh buah bulan' umpama-nya maka maksud-nya ia-lah bulan di-langit, bukan bulan masa."

(Za'ba, 1965:162)

Menurut Asmah Haji Omar (1993:282), kata nama yang tidak mengambil penjodoh bilangan terdiri daripada subgolongan berikut:

- i) Kata nama abstrak yang merujuk kepada perasaan, sifat, saiz, warna dan setagainya, contohnya perkataan 'fikiran', 'perasaan', 'hijau' tidak perlu dirangkai dengan penjodoh bilangan dan juga kata bilangan.
- ii) Kata nama ukuran (jarak dan kapasiti), contohnya dua kilometer, tiga kilogram.

- iii) Kata nama waktu, contohnya dua pagi, tiga malam.
- iv) Kata nama yang merujuk kepada Tuhan dan benda-benda tunggal seperti bulan, matahari dan bumi (kata nama bintang mengambil penjodoh bilangan biji, sedangkan planet selain dari bumi mengambil buah), contohnya satu bulan, satu bumi.
- v) Bahagian-bahagian badan yang tidak berpasangan, contohnya satu mulut, satu hidung.
- vi) Kata nama ‘orang’ , kerana perkataan ‘orang’ boleh berfungsi sebagai penjodoh bilangan, contohnya dua orang. Dengan itu tidak ada ungkapan * dua orang orang

4.3 Kata Nama Abstrak yang Mengambil Penjodoh Bilangan

Menurut Asmah (1993:282) lagi, penjodoh bilangan dengan kata nama abstrak sangat terbatas penggunaannya. Selama ini hanya terdapat dua penjodoh bilangan sahaja yang digunakan dalam konteks yang berkenaan, iaitu patah untuk perkataan, dan buah untuk cerita, puisi, negara, masyarakat, parti politik, persatuan dan sebagainya. Contoh: sepatah perkataan, dua buah cerita, tiga buah persatuan.